

Similis probatio est, quæ exstruitur ex *Matthæi V, 25: Amen dico tibi, non exhibis è carcere, donec reddas extremum quadrantem.* Planè ut olim in balneis æreus quadrans solebat dari, cujus oblatione quisq; facultatem illic lavandi accipiebat; ita in *Purgatorio* solutione quadrantis, quem solvet pro te Missificus, si hæredes priùs persolverint (namq; aliàs ita sonat, *küpfernes Geld / küpferne Selmessen*), eluentur peccata, si tam diu noxius excarnificetur, ut commissi erroris supplicia expendat. Ex solo sensu literali, audivi aliquando ex Bellarmino, non verò ex allegoricis detorsionibus, neçtenda & ducenda sunt argumenta in articulis fidei: Deinde *Cardinalis Cajetanus & Erasmus* hunc locum non exponunt de *Purgatorio*, sed de concordia inter disidentes plantandæ studio; & *Purgatorium* ex hoc loco probari posse planè negant *Cornelius Jansenius, Franciscus Toletus, Didacus Stella & Jobannes Maldonatus*, cujus verba bonâ fide (non enim solent Doctores nostri mentiri) allegata hæc sunt: *Quod autem dicit, nos inde non exituros, donec ultimum quadrantem persolvamus, non significat, ut ait Augustinus, exituros postea, sed nunquam exituros, quia qui in inferno sunt (non ergò explicat de Purgatorio, quod notent predicatores Pontificij) quum semper debitas pœnas solvant, quia pro quolibet peccato mortali infinitas pœnas debent, nunquam persolvunt. Manifestum itaq; est, Christum in hoc loco loqui de illis, qui nec cum Deo per pœnitentiam, nec cum proximo per condonationem fraternam in hâc vitâ reconciliantur, qui non descendunt (ex hypothesi Pontificiorum) ad Purgatorium, sed in ipsum infernum, non enim moriuntur in charitate, & per consequens nec in fide.*

Ita miror sanè, quâ fronte aut conscientia adducatur illa Evangelistæ phrasis & *Non remittetur neq; in hoc sæculo neq; in futuro* 5, Ergo est *Purgatorium*. Ergonè *Purgatorium* erit in sæculo altero seu futuro? Ergonè post absolutissimum illud & decretorium judicium adhuc futura est aliqua remissio quorundam peccatorum? Non putô, nec optem

A 2

expe-

(§) *Matth. XII, 32. (5) Similis phrasis est Sirachi c. IX, 17. εως αδ8 & μη δικαιωσωσιν, bis in die Hölle hienein / i. e. nunquam: צור-ער Prov. XXIX, 17. ob er auch in die Hölle führe / ubi Lir anus, Nemo potest eum adjuvare, quoniam post mortem non est locus pœnitentiæ.*